

Paulunê papia namatana gêdên TIMOTE

Timote tau nec en nac buña matac ten anga Asia Saun. Têna Judao ma tama Helen. En gêwiñ Paulu ma kêpuc en êôn kêtû kom mêtêña samob jakêsap en tôñ nanêngosu.

Paulunê papia namatana gêdên Timote nec gêc tau keto kêwaka bin natêna têtêac sa. (1) Paulu gêjam la Timote gebe ejop tau êndên mêtêgeo, tan gêôn sa anga gôlôac buña tau nalêlom gêwiñ nan. Mêtêgeo tonan naj nam kêsêp lau nagêdô sêgalun kauc jaba anga lau Juda to lau samuc nêñ kêsêp taulêlôm. Lau seboc lau ten sênam taun kêsi sêngôm naêtôm atom, sêjala gêñ, tê nam kêsin tau gêc lêlôm en nê, êwiñ acgom. Ac tec sêsôm lau sênam dabun gêñ taniña nagêdô ma sêjac jao lauo to nac sênam taunña atom. (2) Go Paulu keto bin tanam jaom gôlôacña ma om nasakin nagolin nagêdô gêwiñ. En gêwa kômwaga gôlôacña nêñ nalêlôm to nêñ gam sa. (3) Gocgo gêlên bin Timote gebe ênac dabun tau êtu Jesu Kilisi nê sakinwaga mansan najam ten. Ma gêwa ênê kôm, tan gêjac en nawae gebe ênam êndên lau buña nagêdô êndên-êndêngeñ nan, nam sa amboac tan.

Nadênan

1. Paulu gêjac m papia tau 1:1-2
2. Gôlôac dabun tau to gakolegwaga nêñ kôm nagôlin 1:3–3:16
3. Timote tau nê kôm to nagôlin 4:1–6:21

Paulu gêjac m nê papia

¹ Kilisi Jesu nê aposolo aê, Paulu, tec aêacnêñ kêsiwaga Anôtô agêc Kilisi Jesu, tañ takêñ maten enj tamoa nanj, kêjatu aê, ² tec kato ñoc papia tonec gêdêñ aôm, Timote. Aôm kôtu aê latuc kêtú kôkêñ gêwiñña. Tamenji Anôtô agêc aêacnêñ Apômtau Kilisi Jesu nêñ moasinj to taêñ walô ma biñmalô êndêñ aôm êwac.

Ojop taôm êndêñ mêtê geo

³ Gêdêñ tañ aê gaja Makedonia nanj, kasakinj aôm gebe ôngôn Epese ma ôsôm êndêñ lau ñagêdô gebe sênam mêtê tenj eo atom. ⁴ Ôsôm êndêñ êsêac gebe sêwi minj langwa ñaôma-ñaôma to nêñ abenji to dêbunji nêñ ñaê ñadênanj sêpuc taunj ñamña sinj. Biñ tonanj oc angôm biñ êlênsôn elêmê ma anam lau tenj sa êtu sêkêñ awiñ Anô tônia atom. ⁵ Ñagôlinj tañ aôm kôkêñ gêdêñ êsêac nanj, ñamanô tau tonec gebe têmtac êwiñ ñanô, tañ ñam kêsêp ñalêlôm ñawa to ñalêlôm ñanêñ ma akêñ êwiñ ñakêñkêñ ñajam tonêm ñalêlôm makenjenj. ⁶ Lau ñagêdô sêwi lêñ tonanj sinj ma sêlênsôn taunj sêsôm biñ agwa-agwa ñaôma. ⁷ Êsêac seboc têdônj Anôtônê biñsu, mago sêjam kauc biñ, tañ sêsôm to biñgalôm, tañ sêjam sêmoa nanj ñam.

⁸ Aêac tec tajala gebe Anôtônê biñsuanô embe tamansanj ñapep, oc gêñ ñajam samucgenj. ⁹ Aêac tajala tonec gêwiñ gebe sêmasanj biñsu kêtú lau gêdêñña atom. Biñsu tau mênkêsa kêtú lau, tañ sêgôm gêñ wauc-waucgenj to tanenpêc ma dedec Anôtô to sêgôm sec, sêlic gêñ tenj kêtú nêñ gêñ dabunj atom, sêsôm biñ alôb-alôb ñawaô, sêjac teneñji to tamenji ma ñamalac êndu nanña. ¹⁰ Biñsu tonanj mênkêsa kêtú lau mockaiño to mockaiñña

ma ñacwaga, tañ sêkwalec taunña, ma kêtú êsêac, tañ têtulu ñamalac têtú gêñômaña to lau dansañ ma êsêac, tañ têtôc lemen, mago sêsau nanña, ma kêtú êsêac, tañ sêgôm gêñ ñagêdô samob, tañ gesen mêtê ñajam suna nan. ¹¹ Bin tonañ gêc ñawae ñajam, tañ Anôtô kêkên gêdên aê gebe jasôm lasêña. Ñawae ñajam tonec gêwa Anôtô, tañ awen gêôc en nan, nê ñawasi sa.

Paulu gêjam dange Anôtô kêtú taê walô enña

¹² Aê gajam dange aêacnên Apômtau Kilisi Jesu, tañ kêpuc aê tôn ma gêlic aê katôm gebe janam sakin en nan, tec kêkên kôm gêdên aê. ¹³ Gêmungen tec aê kasôm bin alôb-alôb kêpi Jesu ma kêjanda en to kalêsu gôlôac dabun. Mago Anôtô taê walô aê, gebe kakên gêwin mêtê atom tagen ma gajam kauc gên, tañ gagôm nan. ¹⁴ Aêacnên Apômtau kêsêwa nê moasin kêpi aê ma kêkên aê kakên gêwin to têtac gêwin ñanô, tañ ñawakac kêsêp Kilisi Jesu tau nan. ¹⁵ Bin tonec tec ñanô, ñamalac samob sêkên êwin acgomman, gebe Kilisi Jesu gêmên nom gebe ênam lau sec kêsi. Ma aê tec katu lau sec tau nên ñac ñamata. ¹⁶ Kêtu bin tonanña Anôtô taê walô aê gebe Kilisi Jesu êwa nê lên ê ñamalacnên bin tônña sa êpi aê êtu ñamata e jatu lau, tañ oc sêkên êwi ñ en ma sêngôn maten jali tengeñ nan, nên ñadôñdôn. ¹⁷ Anôtô taugen kêtú têm samob ñakin. En gêmôa tengeñ ma ñamalac ten mataanô gêlic en atom. En taugen kêtú Anôtô. Lanem to ñawasi êndên en êtôm têm totêmgen. Binñanô.

¹⁸ Latucenec Timote, aê kakên ñagôlin tonan gêdên aôm gebe ojop. Bin tonan seoc lasê kêpi aôm gebe êpuc aôm tôn ma ônac sin ñajam. ¹⁹ Ôkên

êwiŋ tonêm ɲalêlôm ɲaŋêŋgeŋ. Lau ɲagêdô sêwê biŋ tonan auc ma sêkêŋ gêwiŋ atom, tec têtû lau gêbac. ²⁰ Lau tau nêŋ ɲagêdô tonec Humenai agêc Alesandere. Aê kakêŋ êsêagêc sêsêp Sadan lêma gebe êndôŋ êsêagêc e sêsôm biŋ alôb-alôb êtiam atom.

2

Biŋ tateŋ mecŋa

¹ Amboac tonan aê jalêŋ biŋ amac gebe aŋgôm gêŋ tonec êtû ɲamatageŋ acgom gebe aten nêŋ gêŋ êndêŋ Anôtô to aten mec ma taêm ênam nêŋ lau êsap nêŋ mec ɲalêlôm to anam dange êtû ɲamalac samobŋa. ² Aten mec êtû kiŋ to gôliŋwaga samobŋa, gebe tamoa nêŋ ɲajam to daŋgôŋ tomalô, ma daŋgôm nêŋ gêŋ tasa Anôtônê lêŋ to tamansan gêŋ samob ɲapep. ³ Biŋ tonan gêjac aêacnêŋ kêsiwaga Anôtô mataanô ɲajam ma gêlic jagêdêŋ. ⁴ ɲac tau tonan gebe ênam ɲamalac samob kêsi ma gebe êkêŋ êsêac sêjala biŋŋanô tau, ⁵ gebe Anôtô tageŋ tec gêmôa, ma sêliŋwaga tageŋ tec gêmôa Anôtô to ɲamalac ɲasawa. Sêliŋwaga tau ɲamalac Kilisi Jesu, ⁶ taŋ kêkêŋ tau gêjac da lau pebeŋ. Biŋ tonan gêwa sa gêdêŋ ɲanoc gebe Anôtô gebe ênam ɲamalac samob kêsi. ⁷ Anôtô kêkêŋ aê katu ɲacjaen to aposolo ma lau samuc nêŋ kêdôŋwaga gebe jasôm lêŋ takêŋ gêwiŋŋa to biŋŋanô tau lasê êndêŋ êsêac. Aê kasôm biŋŋanô, kasau atom.

⁸ Aê gabe ɲacwaga teteŋ mec êtôm gamêŋ samobgeŋ. Êsêac embe sêlam lemeŋ dabuŋ, go têtac ɲandan to têtac lulu atom.

⁹ Ma binj tonec êpi lauo amboac tonanjen, gebe sêmansan taun napep ma majen taun êtu gêñ secña ma sênam gêlôn taun tokaucgen. Êsêac sêmac poac ma sêkôc gold to kêkôm ma sêsô ñakwê toñaôli kapôên-kapôên atom. ¹⁰ Êsêac sênam gêlôn taun ña kôm ñajamgen, tec êwa êsêac sa gebe têtôm lauo, tan têtêc Anôtô nan. ¹¹ Lauo sênam taun tônjen to sêkônin taun, go sênô binj e êtu tan êsêac. ¹² Aê jalôc gebe lauo têndôn lau to têtû ñacwaganên ñatauo nec atom. Êsêac sêmoa sênam taun tônjen. ¹³ Anôtô kêkên Adam kêtû ñamata acgom, go kêkên Ewa kêdaguc. ¹⁴ Ma Adam kêkên gêwin binjansan atom, awê tec kêkên gêwin e kêgêli binjsu. ¹⁵ Lauo embe sêsap sêkên gêwin to têtac gêwin tôn ma sêsa nêñ lên sênam dabun taun tokaucgen ma embe sêkôc ñapalê, go Anôtô ênam êsêac kêsi.

3

Gôlôac dabun nêñ laumata nêñ ñagôlin

¹ Binj tonec binj ñanô gebe ñac ten embe taê êka gebe êtu gôlôac dabun ñagejobwaga, nan nê ñalêlôm êkac en êtu kôm ñajam tenña. ² Gejobwaga tonan talic en ñac mansan samucgen, ênam awê tagen ma êmoa tokauc ñawagen. En êsa nê lên tokauc ma katôgen. En êngôm ja lau samob ma en êtôm gebe êndôn lauña. ³ Ênôm gêñ anaboa atom to lêma ênac sin ñawaô atom. En ñac malô to ñac wama. En têtac gamin atom. ⁴ En ênam gôlin tau nê gôlôac napep e nê ñapalêo to ñac tetoc en sa totanjen wamugen. ⁵ Ñac ten embe ênam gôlin tau nê gôlôac êtôm atom, oc ejop Anôtônê gôlôac amboac ondogen. ⁶ Akên ñac, tan kêtû ñac bunja

dambêgen nan, êtu gejobwaga atom, gebe en oc etoc tau sa e mêtôc, tan kêtap Sadan sa nan, êpi en amboac tonan. ⁷ Akên nac, tan lau sêmoa jaéc gôlôacna sêsôm en wae njam nanjen, gebe sêmbu en atom to Sadanê lip ênac en atom.

Sakinwaga gôlôac dabunja nêj nagôlin

⁸ Sakinwaga gôlôac dabunja amboac tonan. Êsêac lau wapac, imbelen pap atom, sênôm wain anaboa atom ma sêwê launên gên auc atom. ⁹ Binjanô tan êsêac sêkên gêwiñ nan, sêkam tôn ja nêj njalêlôm nawa. ¹⁰ Ansaê lau tonan êmun acgom. Embe alic êsêac têtôm, go sênam sakin gôlôac. ¹¹ Êsêacnên lauo amboac tonanjen. Êsêac lauo wapac, sênga bin atom, sêmoa tokauc njawagen ma sêngôm nêj gên samob nanênjen. ¹² Sakinwaga gôlôac dabunja sênam awê tagen-tagen ma sênam gôlin nêj njapalêo to nac ma nêj gôlôac napep. ¹³ Êsêac tan sêjam sakin nêj gôlôac napep nan, oc nêj sakin etoc êsêac sa ma sêkên êwiñ Kilisi Jesu totêntac êpa sugen.

Anôtônê mêtê njabin njalêlômja

¹⁴ Bin tonan kato gêdên aôm ma taêc kêka gebe jandên aôm jawac seben. ¹⁵ Mago gên ten embe ênam aê tôn, go papia tonec êwa bin sa êndên aôm e ôjala lên ômoa Anôtônê anduja nam. Anôtônê andu tau Anôtô mata jali nê gôlôac, tan kêtu binjanô njalê to naseñen. ¹⁶ Binjanôgoc, Anôtônê mêtê, tan kêsin tau kêsêp lêlômgen nan kapôênanô. En geoc tau lasê kêtu njamalac. Njalau Dabun gêwa en sa gebe en nac gêdên. Anjela sêlic en.

Sêjam ênê mêtê gêdênj lau samuc.
Lau nomnja sêkênj gêwinj enj.
Anôtô kêsip enj sa tonjawasigenj.

4

Binj kêpi kêdônjwaga dansan

¹ Nalau Dabunj gêwa sa kwanangenj e gêc awêgenj gebe êndênj têm njamunja lau njagêdô oc sêkac taunj su anja sêkênj gêwinj njanônja nasêsap njalau dansanja tônj to sêkôc njalau sec nênj mêtê sa. ² Nalau sec tonanj sêjam njamalac dansanjanj, tanj sêsau lau. Êsêacnênj njalêlôm kêtôm ja kêpac gênj kêtû matê. ³ Êsêac tonanj sêjac jao gebe njacwaga sênâm awê atom ma lauo sênâm njac atom. Ma êsêac sêkac njamalac gebe sêngaminj taunj êndênj gênj taniñja njagêdô. Mago Anôtô kêkênj gênj taniñja tonanj gebe aêac lau takênj gêwinj to tajala binjanônja takôc sa todanjenj. ⁴ Gênj totau-totau samob, tanj Anôtô kêkênj nanj, tau njajam. Amboac tonanj takôc gênj tonanj naj samob sa todanjenj ma dambu tenj atom, ⁵ gebe Anôtônê binj to mec gêgôm gênj tau kêtû dabungac.

Kilisi Jesu nê sakinjwaga njajam

⁶ Aôm embe ôwa binj tonanj sa êndênj lasitêwai, oc ôtu Kilisi Jesu nê sakinjwaga njajam, gebe takênj gêwinj njabinj to mêtê njajam, tanj kôdaguc nanj, kêtû nênj mo gêlôm aômja. ⁷ Mago minj alôb-alôb to lauo njanônênj binj ole nanj ômasuc. Ôsa Anôtônê lênj ônsaê-ônsaê e êtu tônj aôm. ⁸ Embe tansaê gebe tatu mêtê ôlinjenj, oc ênam aêac sa njanôn atom. Mago embe tasa Anôtônê lênj, oc ênam aêac sa êtu gênj samobja.

Anôtô gêjac mata gebe ênam aêac sa êndênj têm tamoa materj jali anga nomnja to êndênj têm dangônj materj jali anga ônêña amboac tonanjen. ⁹ Bin tonanjanô to gêdênj kêtôm gebe namalac samob sêkôc sanja. ¹⁰ Kêtu mêtê tonanña aêac tajam kolenj tosinjen gebe aêac takênj materj Anôtô mata jali, tanj kêtû namalac samob nênj kêsiwaga, mago kêtû aêac lau-takênj-gêwiñwaga nênj kêtû namata.

¹¹ Ôjatu bin tonan ma ôndônj lau gebe sêmansan. ¹² Lau tenjanônj elo aôm êtu aôm nac matacña atom. Aômnêm bin to nêm lênj ma têmtac gêwiñ to kôkênj gêwiñjanô ma nêm nalêlôm nawa êtu nadônjonj êndênj lau-sêkênj-gêwiñwaga. ¹³ Ôsam mêtê lasê to ôiênj bin gôlôac ma ôndônj lau tau ômoa e tauc jawac acgom. ¹⁴ Ôim Anôtônê moasinj, tanj gêc nalêlôm nan, su atom. Moasinj tau gelom aôm gêdênj tanj seoc Anôtônê bin lasê gêdênj aôm ma gôlôac dabun nênj laumata sêu lemenj gêsac aôm nan. ¹⁵ Bin tonan taêm ênam ma bin tonan ênam gôlinj nêm lênj, gebe lau samob sêlic aômnêm kôm esewec. ¹⁶ Ojop taôm to mêtê, tanj kôdônj gômoa nan napep. Ôsap tângênj. Ôngôm tonan, ec ênam aôm taôm to êsêac, tanj sênô aômnêm bin nan sa.

5

Timote ênam sakinj to ejop nê lau napep

¹ Ônsaic bin namalacanô tenj atom, ôlênj bin en amboac tamam. Ma lau wakuc nan ôlic êsêac amboac lasimi. ² Lauo janô nan ôiênj bin êsêac amboac tênami, ma lau wakuc amboac latômio tonêm nalêlôm nawagenj.

³Awêutuc embe awêutuc ñanôgen, nanjo otoc êsêac sa. ⁴Ma awêutuc ten embe nê gôlôac to dêbui sêmoa, nan sênam en sa êjô moasin tan tenenji to tamenji sêkên gêdên êsêac nan. Sêngôm amboac tonan, ec ênac Anôtô mataanô ñajam. ⁵Ma embe awêutuc ñanô, tan taugen êmoa nan, oc êkên mata Anôtôgen ma êsap mec tôñ ma eten Anôtô êtôm êmbêc to elengen. ⁶Ma awêutuc ten embe êsa nê lên taê ênam tau ôligen, nan talic en mata jali, mago gêmac êndugac. ⁷Ônac binjsu êsêac gebe sêmoa tobin masigen. ⁸Ñac ten embe ejop tau nê lau to êmoasin tau nê lasitêwai atom, oc ensen bin takên gêwinña su. En êtu ñac sec êlêlêc lau-sêkên-gêwin-atomwaga su.

⁹Oto awêutuc ten nê ñaê êsêp awêutucnên ñaêmôkê palin-palingen atom. Awêutuc tan nê jala kêtû 60 su ma gêjam ñac tagen nanjen nê ñaê êsêp. ¹⁰Ênê wae gêjam kôm ñajamña ênêc amboac tonangen. En embe êlôm nê gôlôac ñapep, êngôm ja lau, êkwasin Anôtônê lau enkain, ênam lau sêngôn jageonja sa to êpuc gên ñajam samob ñam, nanjo nê ñaê êsêp ñaêmôkê.

¹¹Oto awêutuc wakuc nên ñaê êsêp ñaêmôkê atom, gebe êsêac oc taên ênam bin ñacña ma ôlin ñakam êsa êndên Kilisi. ¹²Lauo tonan ñai oc sêsap nên bin, tan sêmoatin kêtû ñamata nan, tulu e sêmoa tobingen. ¹³Lauo amboac tonan têtôn taun gebe sênam ojom ma sênac laoc launên andugen. Ma sêjam ojomgen atom, awensun ñakasop-kasop ma sêlênsôn lau ñagêdô nên bin to sêsôm bin, tan têtôm atom gebe sêsôm nan. ¹⁴Amboac tonan aê gabe awêutuc wakuc sênam ñac êtiam, ec sêkôc ñapalê ma

sêmansañ nêñ andu ñapep. Sêngôm amboac tonañ, gebe ñacjo êmbu aêac êtu lêñ keso tenña atom.

¹⁵ Awêtuc tau ñagêdô tec sêkac taun su ma sêsap Sadan tângac. ¹⁶ Awêtuc ñagêdô embe sêngôn sêwiñ nêñ awê kêkêñ gêwiñña ten, go awê tau ênam êsêac sa, gebe êkêñ wapac êndên gôlôac atom. Go gôlôac dabun têtôm gebe sênam awêtuc sawaanô sa.

¹⁷ Atôc gôlôacnêñ laumata, tan sêjam jaom nêñ gôlôac ñapep nan, sa êlêlêcman. Aê kasôm biñ kêpi êsêac, tan sêjam mêtê to têdôn lau sim taun sugen nan. ¹⁸ Amac ajala gebe teto gêc gebe “Ôkic bulimakao, tan kêka mopolom gêmoa nan, awasun auc atom.” Ma biñ ten gêc gêwiñ gebe “Kolenwaganê kôm ñaôli gêjac en ñawaegoc.” ¹⁹ Biñ ten embe êpi laumata ten, nan ôkêñ tanam seben atom. Nac luagêc me têlêac sêwa sa êtôm tau acgom, go ôkêñ êwiñ. ²⁰ Lau tan sêngôm sec nan, ômêtôc êsêac anga lau samob lanônên gebe lau ñagêdô sêlic ma têtêc taun. ²¹ Aê kakô Anôtô agêc Kilisi Jesu to anela, tan Anôtô kêjalîñ êsêac sa nan, lanônên ma aoc gêjac aôm gebe Ojop ñagôlin tonañ ñapep. Ômoasiñ ñac ten êlêlêc ñac ten su atom to taêm labu nêñ ñac ôlim andan taômña atom. ²² Ôkêñ lêmam ênsac ñac ten gebe ônam mec en êtu sakiñ tenña seben atom. Ma ôwê lau ñagêdô nêñ sec ñakain ôwiñ atom. Ojop taôm nêñ ñalêlôm gebe ñawagen.

²³ Ônôm bu ñaômagen atom, ônôm wain ñagec êwiñ êtu nêñ têmtacwalô to gêmac gêgôm aôm elêmêña.

²⁴ Lau ñagêdô nêñ sec kêtû awê seben ma sec tau kêsêlên gêmun têm sêmêtôc êsêacña. Mago ñagêdô nêñ sec oc êtu awê êndan gucgen. ²⁵ Ma kolen ñajam

kêtu awê amboac tonanġen. Ma ġagêdô embe êtu awê sebenġ atom, oc êsinġ tau êtôm atom.

6

¹ Sakinġwaga samob tetoc nêġ ġataui sa ġapepġenġ, gebe bi ġ alôb-alôb êpi Anôtônê ġaê to mêtê atom.

² Sakinġwaga taġ nêġ ġataui sêkêġ ġêwiġ naġ, taêġ êpa êsêac su gebe êsêacnêġ lasitêwai nec atom. Masi. Êsêac sênam sakinġ sênac ġawaegenġ gebe nêġ sakinġ oc êmoasinġ lau sêkêġ ġêwiġġa, taġ Anôtô têtac ġêwiġ êsêac naġ.

Mêtê geo to awa ġanô

Binġ tonec ôndônġ to ôlêġ binġ ġôlôac. ³ ġac teġ embe êndônġ mêtê teġ eso mêtê tonanġ ma êsap aêacnêġ Apômtau Jesu Kilisi nê binġ ġajam to Anôtônê lêġ tôġ atom, ⁴ naġ oc etoc tau sa ġaômagenġ ma êjala binġ teġ atom. Lau amboac tonanġ nêġ ġalêlôm kêkac êsêac keso, tec awenġsunġ ġêôc ka tauġ to sêsôm binġalom ġawaô. Binġ tonanġ kêtu têtac sec to kisa ma binġ alôb-alôb to sêga binġ sec ġamôkê. ⁵ Lau tonanġ sêjam binġgalôm ġawaô, mago nêġ kauc kêlênsônġ ma sêkac tauġ su aġga binġġanô tau e seboç Anôtônê lêġ kêtu intêna têtap awa saġa teġ.

⁶ Binġġanô, lau embe sêsap Anôtônê lêġ tôġ to sêlic ġêġ, taġ ġêc êsêacġa gebe kêtôm, naġ têtap awa ġanô tau sa su. ⁷ Aêac tamêġ nom tolemenġ sawagenġ ma oc dawî nom sinġ tolemenġ sawagenġ amboac tonanġ. ⁸ Embe tatap nêġ mo to nêġ ġakwê sa naêtôm aêac, naġ kêtôm. ⁹ Lau taġ taêġ kêka gebe têtû lau tolêlôm naġ, sêsêp lêtôm ġalelom ma têtac ġakalac meloc tokainġ-tokainġ, taġ ensenġ êsêac

su nan, ñalakô êkô êsêac. Gêñ amboac tonan ñai oc êmbam ñamalac e sêmbac sênaña. ¹⁰ Têntac gêwiñ awa kêtu sec samob ñawakac. Lau ñagêdô maten katu gêñ tonan, tec sêjac jaê sêkêñ gêwiñ ma têtap nêñ kamoc to ñandan ñalêlômña taêsam sa.

Paulu kêpuc Timote tôn

¹¹ Anôtônê ñac aôm ôêc gêñ tonan ñai samob su. Ôndançuc biñ gêdêñ ma ôsa Anôtônê lêñ to ôkêñ êwiñ mêtê ma têmtac êwiñ lau to ôc gêñwapac totêmtac êpa sugen ma ômoa tonêm ñalêlôm malôgen. ¹² Ônac sin ñajam êtu takêñ gêwiñña ma ôkam ôngôn matam jali tengeñña tôn. Gêdêñ tañ kôsôm kôkêñ gêwiñ lasê lau taêsam sêñô nan, Anôtô kêkalem aôm gebe ôngôn matam jali. ¹³ Aê kakô Anôtô, tañ kêkêñ gêñ samob sêmoa maten jali nan, agêc Kilisi Jesu, tañ kêsôm biññanô lasê gêdêñ Ponti Pilata nan, lanônêm ma jajatu aôm gebe ¹⁴ Ômansañ biñsu ñapep sawa ômoa e aêacnêñ Apômtau Jesu Kilisi eoc tau lasê. ¹⁵ Êndêñ ñanoc acgom, go Natau tagen, kinêñ Kin to apômtaunêñ Apômtau, tañ awen gêôc en nan, êngôm gêñ tonan ñanô êsa. ¹⁶ En taugen êmac êndu atom, êmoa tengeñ. En gêmoa ñawê, tañ ñamalac ten êsa ñagala atom nan ñalêlôm. Ñamalac ten gêlic en su atom ma ten kêtôm gebe oc êlic enña atom. Ênê wae êsa to ênê ñajaña ênêc tengeñ. Biññanô.

¹⁷ Ôjatu lau tolêlôm awa nom tonecña gebe tetoc tañ sa atom. Êsêac sêkêñ maten awa nomña ñaôma atom, sêkêñ maten Anôtô, tañ kêkêñ gêñ samob e kêlêsuc aêacgen gebe êngôm aêac têntac ñajam êsa. ¹⁸ Ojatu êsêac gebe sêmoasin lau to têtû

lau tolêlôm kolenɲ ɲajamɲa. Êsêac sêmoa totêntac wapômgenɲ to sênac sam nêɲ awa êndêɲ lau sêwê kainɲ sêwiɲ. ¹⁹ Sêngôm amboac tonaɲ, go sênac nêɲ awa sa êtu têm, taɲ oc mênêsa naɲ, ɲamôkê ɲajam gebe têtap sêngôɲ matenɲ jali ɲanô sa.

²⁰ O Timote, ojop gêɲ samob, taɲ kêsêp aôm lêmam su naɲ. Ondec binɲ alôb-alôb ɲaôma to binɲ sêôc taunɲ aucɲa, taɲ sêsam gebe “Binɲ tokauc,” mago sêsau taunɲ, binɲ tau binɲ tokauc atom. ²¹ Lau ɲagêdô sêkôc binɲ tokauc tonaɲ sa, mago seso binɲ takêɲ gêwiɲɲa.

Moasiɲ êndêɲ amac êwac.

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb